

葉文敏公集

葉文敏公詩目

至都不見梁御史曰緝悵然作

秋日偶成四首

苔

戲題西樵長齋繡佛圖三首

簡青嶽學士

阮亭以抱琴洗桐小像索題口占二絕

連日不見健菴編修今晨苦熱特甚走筆奉訊

詠漢史三首

送入京鄉人

病中效元白放言五首

又咏漢史三首

撰西樵考功誌文畢寄阮亭戶部

月下

立春日口號三長句

又三絕句

亮工石公二侍講裕菴檢討同坐花下

送魏中翰蒼石從王師駐防山東

消息

喜元著待御出獄

咏唐史二首

蒼蠅

短髮

無題

中秋對月獨坐三首

飲亮工侍講庭菊下四首

富川令劉君殉節詩

問極對酒戲成此篇

阮亭入都久不相見悲喜交集即事四首

大雨屋堦說嚴學士貽詩相慰為賦六章奉答

讀阮亭蜀道集作

阮亭以人所贈山居圖示予有感題三絕

寄弟

同阮亭戶部湘北說巖西學士登慈仁寺閣

戲題塔前秋海棠

和阮亭秋日過予讀書齋兼懷汪大

來史二首

感秋呈環溪先生

宿通州水月菴故人朱錫鬯客襄使君所悵不得

見寄以是詩

題水月菴壁時傷黃山先生之逝

成給事遺詩却贈四百字

梁水部贈洮河石硯歌

敬哉先生招飲容園即事二首

目暗

送徐生

大風效退之體二十四韻

王汝下第見過作

花下

阮亭相見誦雲翎詩不置戲作此貽阮亭并示雲

銅

寄家人

酬王汝孝廉

送孝感相公罷政歸楚

送成我存

飲王九青侍講齋次日有詩見示奉答

阮亭遣人告予云考選命下紉華得給事中敬芝
亦授御史喜而賦此并呈阮亭

與友人飲酒五首

別敬芝侍御

予久慕浙東黃太冲先生四明董孝廉過訪知為

太冲門人于其南行作此送之并寄黃先生

秋夜念漢書二首

往年謫官上林今秋再過其地戲題二絕

拜少宰孫先生墓

祠旁鵲

徐生入都即去詩以送之

歲暮漫成四首

次韻荅山中人

董孝廉蒼水入都詩以訊之

淨業寺荷花

送劉敖論之唐山故相安丘公子

示周生惟念

汪舍人題畫

蒼水移寓戲訊二首

蒼水過寓招阮亭駿孫同飲前一日得細林山人

書

蒼水以答阮亭詩見示戲柬二首

送杜侍讀三絕句

同魏侍郎環溪先生寄李學士厚菴二首

偶成

水閣馬上口占

說巖先生書春帖見貽口占奉柬

和說巖先生丁巳除夕疊前韻見示

和說巖先生戊午元旦再疊前韻見示

立春日五疊前韻柬說巖先生

贈高澹人

梁文敏公集

詩

余與鄱陵梁御史曰緝別八年今春至都謂必相見聞又請告先期行矣悵然有作

傳聞馳馬客復返舊樓山嵩洛悠悠外孤雲冉冉間苦將遊子意遠戀故人顏相過無相識長吟自掩關

秋日偶成四首

十日西風晝掩門眼看秋雨敗蘭蓀鳴蛩階下催愁急墮葉窓前破夢繁五鼎只堪烹主父一竿寧便困王孫
邈邈敢自稱先覺隱几蕭條付不言

山自高高水自汙休將心事怨洪爐誰教枉刻三年楮
自分終成五石瓠賈賦祇應招怪鵬魯戈難更返靈烏
與石細較窮通理集菟無如竟集枯

不知我者謂何求悄悄誰憐國士憂白日可應終蹉跎
蒼天端合竟悠悠官倉時見群遊鼠閤道朝看獨上牛
便令秦王自鞭石雖驅汾海更西流

生死尋常只欠伸二豪倚側盡非真直須醉我一千日
何止容卿數百人偪反藕絲仍有路線危針孔豈無身
相逢莫笑如弦直幾見橫屍道上陳

堅砌復緣廳淒涼不斷青雖非侵要路亦自占閒庭顏
子操瓢巷揚家載酒亭尚堪留女在終歲共沈冥

戲題西樵長齋繡佛圖三首

如水臣門日下簾知君心性愛幽探退朝啟事方才了
便與彌陀共一龕

妓房匣鏡終嫌癖酒庫封瓶亦太迷寄語街南王吏部
不妨何肉更周妻

趺居可便了塵牽長日清齋結淨緣爭魚謝家靈運笑
他時端只好生天

簡青嶽學士

百丈狂瀾手障餘一人嶽嶽衆誰如趨朝旒冕同嚴友
下直門闌似隱居憂國終朝時減食致君半部只探書
太平歲沃須相待肯使蒼生屬望虛

阮亭以挹琴洗桐小像索題久未及報于其奉

命試蜀將行口占二絕句題之

王郎日挹文書坐底有閒情似此時早向虞廷傳一曲
熏風拂拂五條絲

蜀桐聞道產高岡君去應看百丈長休令西川人士笑
賞音只說蔡中郎

連日不見健菴緬修今晨苦熱特甚走筆奉訊

我居帝城南，居居帝城北。閉戶十日，散髮卧，瘦馬不識。
東西陌，美人娟娟隔清漢。孤身欲傍無羽翼，思君作官
未三載，歟忽聲華滿京國。上殿至尊屢含笑，入座公
卿皆動色。嗟予潦倒恒愁饑，伏處真如禪中蠹。林頭老
甕傾漸乾，月俸不充沽酒直。丈夫但免巾幘誚，此生敢
辭藜藿食。朝來束帶出門望，火雲升似峯崢嶸。羲和揮
鞭更翕霍，夸父竭死鄧林側。發狂大呼苦不止，咫尺一
見何由得。那憑爾輩為霖手，盡挽天河洗結轡。坐看雷
雨濯亨塗，道上清風生習習。野夫脩然奏懷退，鼓腹康

衡歌帝力

秋夜不寐三首

孤館夜不寐寒衾轉蕭瑟驚飈振庭柯落葉無隱響離
憂靜中起羈懷益難廣獨起撫朱絃殘燈耿虛幌
應龍果何物飛騰在斯須氣噓烟霧蒸降雨沛九衢喉
下差差鱗批之能殺軀那因微欲牽豢畜同凡魚
我愛庭前柏經霜常綠林上有千歲禽吸月揚清音直
節無旁柯顏色忘冬春人云桃李花不言蹊自滋青青
歲寒姿樹此豈無陰

詠漢史三首

援臂將軍恨朱封老居列校衆人中秋來射虎雄心在

自挽藍田十石弓

朝夕常羸粟一囊先生索米底須忙可知殿上容君住
猶勝前人遠弔湘

聖主賢臣以寂寥子淵一領徽中朝如何麗藻誇難並
只爲君王賦洞簫

見入京鄉人

君家西溪上我家東溪頭君家門前水我家門前流憶
得初別君扁舟趁潮發豈無澄清志自擊中流楫竭來
騎瘦馬復踏京華春丰年縻薄祿辜負頭上巾怪君亦
奚爲跋涉三千里乍見故鄉人還思故鄉水水中何所

有憾感多勞魚昔時魚尾赤問訊今何如

病中放元白放言五首

急景奔騰去似梭鏡中華髮奈他何西尋弱水無舟楫
東望龜山乏斧柯銜石鳥應悲力少號寒蟲自覺聲多
幾時借得騶生管窮谷吹來遍太和

九陌千輪闕萬鞍誰人不願老長安生貪周顓黃金印
死貯王喬白玉棺舉扇遮塵寧得了抱薪止火果然難
滔滔東下元無底幾見天潢倒卻乾

病非魔魅復非狂筮得爻辭勿藥良未遠三尸行出戶
難驅二豎已離旨夢中帝所聞天樂海上仙人乞異方

說與時流渾不信靈臺贏得自清涼

魚遊葍藻戀沙汀鶴破樊籠入宵冥各有升沈依本性
苦將桎梏喪真形魯邦展季甘三黜楚國靈均愛獨醒
蕙死蘭枯元不惜只教留得自芳馨

蚤知天地是蘊廬去住奚分久暫殊有時儘堪生柳樹
此身行便作桃符劫殘尚問灰存不朽爛休驚局換無
一擲得泉君莫笑爭禁明日不成盧

又咏漢史三首

一篇書奏卓然驚漢殿人人說陸生知道多時交絳灌
帝前日日爲通名

犬馬餘年戀主私汲公遺語使人悲如何不悟淮陽謫
忘却狂言妄發時

賈樂才華蓋帝庭鴻都詞賦報新刑天如留得中郎在
好爲君王校五經

撰西樵考功誌文畢寄阮亭戶部

恍忽相隨把袂時幽明難問兩心期敢云下筆不加點
竄喜臨文無媿辭比似東吳應恨薄即同挂劍已嫌遲
予謫阮亭請
喻歲始報友生投契猶如此況爾連糧荆樹枝

月下

此夕天邊月寒光逼寢幃可憐欲誰照空自費清暉只

益吳牛喘能驚魏鶴飛故園南望裏老淚強沾衣

立春日口號三長句

十日閉關如蠅縮今朝啟戶正逢春且從閭閻瞻新象
也把衣冠振舊塵竊祿自知慙補報歸耕祇合恨逡巡
鱸魚蓴菜方才過江柳山梅又促人

四十四年成底事兒時嬉戲憶還餘
堆盤賸有青絲菜
簪髻稀逢綵勝花已信形容安老醜
并無魂夢到繁華
開箱試檢春衣換半在西隣酒姚家

今是何曾減昨非行藏計拙轉相違
潛魚凍久應忘躍
倦鳥驚多更怯飛
破榻空懸留客少
羸驂長卧出門稀

軟紅塵土東華路猶喜無能上素衣

又三絕句

夢醒微聞放轆轤探春庭院到還無黃鶯百舌無消息
愁殺城頭白項烏

鄭虔先生飯不足陶潛先生杯不空便道春來商法遣
在家爭似在官窮

盧橘黃柑柿柰梅上林多少樹新栽庭中獨倚枯株笑
敢道東風爲汝來

亮工石公二侍講裕菴檢討同坐花下

步履過從不厭賒暫時忘却在天涯聊携清聖濁賢酒

共對朝開暮落花
最惜娟娟當曉日
誰憐袞袞隔風沙
豪門不少新移種
庭院深沈錦幕遮

送魏中翰蒼石從王師駐防山東余兄時任克

丞治河傳聞東土大旱末章并託問訊

翩翩東征士
萬馬如飛電注矢
激流星被甲明
秋練清晨超乘出
嘖嘖都人嘆
中有一儒生
白服揮羽扇
臨塗尤屬目
之子允邦彥
機杼陳琳羞
記奏阮瑀美
詎止佐一籌
實乃握全策
長揖玉帳前
抗舌不肯卷
龍令介冑徒
獷悍登時變
黔黎樂衽席
道路安乘傳
始知尊俎功他人莫能先

戡外良匪易輯內誠亦難惟民實邦本本固邦乃安山
東股肱郡天府資屏翰其地苟鞏奠三輔斯不單年來
困杼軸男饑女號寒麥苗既罄盡桑棗復摧殘榛菅狐
夜鳴晝探赤白丸中澤聲嗷嗷人耳應悲酸古云十萬
戶今但遺瘡痍赫斯我禁旅將士何桓桓須先衛良善
豈徒詰暴奸吾后有至意君其告登壇

萬國爲陸海神京乃豁壑轉漕起東南遠輦向幽朔鱗
鱗千萬艘銜尾奉繩約僅資一線流國命此橐鈴頃傳
東土旱山林苦焚灼我主旣已罄神聽終寂莫諸泉旣
云匱尺水行即涸十里方牽輓五里又淹泊軍興百所

須仰賴在升僦天庾稍乏空中卦將安託仲氏老一丞
白髮數蕭索官小責反鉅仰屋中心忤知君軒車到負
弩敢前却微聞訂交早班荆定如昨叙舊借真酒開顏
一盃噫君其念故人前箸指方畧上藉培主計下用蘇
民瘼因風報京國免我遠懷惡

消息

消息傳難定愁心不自聊養癰多事日緘口敢言朝天
實滋螫螭人誰產獍梟茫茫一舒眼氛祲幾時銷

喜元著侍御出獄

金雞早下放孤臣頃刻懽呼動縉紳九死何曾忘

聖主重生真喜答哀親偶談冠禍鬚猶磔為痛時艱哭
愈頻好語淮南莫無忌漢庭汲黯尚全身

詠唐史二首

軋犂山前暗禱神唐家河朔合烽塵上皇蜀道空流涕
今日方思先見人

半夜軍中撼帳竿逆腸流出血漫漫滿朝公相持杯賀
河北都忘史宰干

蒼蠅

何來遽集此相扇實繁徒非時恣緣撲觸處成喧呼
炎許史宅赫赫金張居前堂封羊牛後堂吹笙竿殘腥

被砧儿足充饒腹娛奚為逝不遑顧乃萃吾廬書生趙
百甕此外食籍無耽耽欄微漚吁嗟亦已愚豈爾異儕
耦反厭高門趨高門翕附多趨捷當不如我匪隘色容
與汝氣類殊揮肱有餘力斥去奚躊躇虞翻幸未死予
容且無須

短髮

蕭蕭短髮不盈巾猶遂諸賢馬足塵半世已成莊叟木
一官長作漢家薪思枯筆秃排千管臂弱弓彎罷六鈞
祇有憂天心未泯才教開口又防嗔

無題

黃旗催戰出丹墀
郡國儲胥恐莫支
未見長繩能縛賊
空聞短檄更徵師
客愁多似方抽繭
世事危如乍累棋
為訊中朝焦爛者
殺牛置酒定何時

中秋夜對月獨坐三首

乍雨却成別

是早微雨

忽晴如有期
人誇方滿際
我惜漸虧

時消息誰相待
升沈自不知
此中能會得
何用問庖犧
遠霧參差卷
明河淺滂流
清光能皎皎
孤客共悠悠
敗砌吟蟲襍
早枝宿鳥幽
寂喧隨物感
我意總無留

楚蜀方添戍
江閩未息兵
國憂今日急
民命此時輕
短杆傳隣怨
長謠識旅情
殷勤中夜月
好照鐵衣明

飲亮工侍講庭菊下四首并請黃山學士同作

嗟君庭前菊才踰二尺強擢秀無人覈不言彌芬芳細
枝青玉潤繁蕊黃金香幾時飽雨露早見吟風霜他家
豈無花華屋高筵張紫若列綺繡艷欲奪姬姜我思匪
伊存相遇等道旁胡此獨延佇百迴嗔難忘草木有臭
味托根君子堂

有草名維薏厥狀頗類菊青莖間翠葉經冬鮮如沐菊
性甘且和食之薦嘉福薏苦如艾蒿中更含辛毒如何
逞顏色欲忽奪我目為辨須及早笑除貴神速種菊勿
種薏期君共相勗

屈子餐落英至今清沁齒騷客借品評千載稱芳美胡
廣飲菊泉百齡負譏毀惜哉神仙藥遺穢等焉矣彼菊
奚與焉好醜係人耳今日植君廬他年親君履困逐有
靈均榮壽有伯始請君擇於斯勿自貽菊耻

堂下數竿竹堂上千卷書所喜菊有隣維聽翳不孤况
復三徑開招尋來吾徒無勞白衣送主能貫百壺葛巾
漉花前觴行如轆轤浩歌靈府寬頓覺逼仄除一醉便
歌枕安知非吾廬笑彼芳蘭花日夏當門鋤

附錄

張貞生

病起恹恹芭蕉樹藏彌矯強叢桂近金粟繽紛蚤減芳

橘柚園中叟菊北鮮餘香彼美庭前菊曷嘗示於張
稌色均承露正色更凌霜天然如霞子驕寵薄齊姜
幽人願比德移之就坐旁譽我性情交紐佩矢弗忘
緬思昨夕會須記蘇子堂

癖哉晉霞士種秫兼種菊種秫餽醪醪種菊散膏沐
所託在素心不與爭厚福徘徊籬落間吟賞遠整毒
非美方家言枕之足澤目招集寫清風客來喜不速
為愧彼孤芳滿飲交相勗

蓬以君子埒菊以隱逸蓋韓公題晚節鍾子稱五美
奈何蟲蠹之苗葉遭蠶毀剪氏急殲除未嘗費一矢

聲罪惡何知物與人同耳虎而翼者紛賢哉謹據履
蝨賊乘間侵壞心自此始菊死猶可懷心死實可恥
餐英不能飽剪葉不能書或曰菊性傲霜節介以孤
惟傲實凶德捐潔豈其徒睨視諸耽遂高士許掣壺
四序元代行循環若轆轤焉得獨寄傲習氣盡蠲除
陶淑中且和萬物共蘊廬胡用太倔强為汝帶經鋤
富川令劉君殉節詩劉名欽隣江南儀真人中順

治辛丑科進士

富川碧血射虹明劉令孤忠此著聲賦笑南朝惟若水
帝驚河北有真鄉往來食肉心多死抗愾銜鬚氣獨生

兩聖崇儒三十載可無一士重科名

附錄

魏象樞

千秋完節日星明舌在猶聞罵賊聲
漢水秋高勞將士富川血碧動公卿
魂依北斗升還降廟食南蠻死即生
聖主方憐臣義重定教青史大書名

張貞生

讀書心事蓋棺明可慨風聞只附聲
志遂休言歸井里節高何必位公卿
城池雪奮趨誰死草木御悲哭爾生人
豈不知君父義漫云激烈是沽名

悶極對酒戲成此篇

人生恰似蠟附磨蠟歿右旋磨向左萬事紛糾難預料
百憂鬱結空如鎖絲從染後任白黑粟入臼中隨揚簸
我身自愧非至人焉能無可無不可卻思此際真難道
安得濁醪澆磊砢忽聞麴車道上馳兩頰流涎口先哆
呼童急挈鴟夷沽新甕盛來玉光瑤中聖中賢亦偶然
相逢且莫論五軻才傾一盞顏色醺再傾一盞冠幘墮
興到何妨狗竇窺狂來直上木杪坐門外風波百不知
一任歌驅與側枕

阮亭入都久不相見悲喜交集即事四首

與君三載別人事靡不有百憂搗枯腸有似杵舂白粳

蕭領上髮早衰愧蒲柳君顏方郁然於鬣只如舊新亭
風景殊舉目淚沾袖神州忽陸沉誰與任其咎猶聞座
室中鳴鐘正飲酒軒車爭道馳但誇熱炙手焚棟且不
知奚暇慮焚臚稍稍吐憂恤往往得訕詬吾願糊其心
不復辨可否共君黯無言相對惟指口

溫溫考功君粹矣瑚璉器對之心自遠澹然釋勢利如
何弗慙遺歆爾便委蛇新成一杯土宿草已如簞斯人
招不起竭耒對難弟把酒話疇昔俯仰疑夢寐向我嗷
然歸眼枯反無淚浮雲慘不舒陽精忽淪墜始知匹夫
誠可以動天地強思慰一辭肝腸亦先碎感此在原情

為君廢棠棣

少小弄弱翰所業在縹緗左政右履漢什勞解一償晚
來始自悔暗室苦俵俵宵夢一鴻生衆冠切雲長衣間
被寶璐隱耀朗月光笑我枉辛勤白首同面牆敗絮如
荊棘何時得康莊覺起視庭際星河未渠央恍如飲沆
瀣心腑生清涼誓將畢餘生往求聖津梁盤旋周孔地
游戲羲文場安能守雕蟲俎豆班與揚曝溫芹味美獻
君幸勿忘

古人重進德尤貴得師資麗澤繫大易伐木虞風詩求
友于今世岌岌其難之宗國無君子子賤焉取斯翼々

魏先生言行稱人師
齊心對屋漏儼與九賓期
我媿私淑久悔吝
猶日滋君為其曹郎
曾旦得相隨
江漢黃鵠邛挹之須魯雞
大圭費雕琢良工堪礪治
莫前美莫彰莫後傳
莫知西賢如繼起
千載此一時

過阮亭不遇書壁

疲馬無所適出門還遇君
披帷人不見獨坐又斜曛
徑草澹逾碧林蟬寂更聞
清風來入戶宛似未離群

天雨屋壞說嶢學士貽詩相慰為賦六章奉答
鵲巢緣風遷蟻穴因雨移
智不如二物坐見此屋隳
昨夜棟忽折殷殷南山雷
誰為王夷甫而受排墻穴

匡坐三歲餘容膝良已足雨工何不仁歟忽壞我屋譬
如新宮災對之三日哭禍匪降自天握粟鬼出卜
病卧移旁舍下濕上復穿室中縛葦筏人渡學蟻緣饑
鳥噪檐際點點疑飛鳶何如馬伏波曳腳望青天
雨來風浩浩卷瓦秋蓬根妻孥叫且噪涕洟聲紛紜我
耳同懸瑱哀然如不聞仰首視屋漏不媿復何云
我憐鐵衣子六月戍萬里鵲鳴兼婦數歸室未可健自
慚縻薄祿端居誦經史琴書無恙在一笑斯可矣
東隣陳學士大廈今一木貽予破屋篇閱我情何渥願
言得斯人早秉國之軸寒士生歡顏長庇萬間屋

破屋行

陳廷敬

破屋不任葺四壁空嵯峨夜半風雨至屋漏成洪河
漂搖增繁憂憂秋連滂沱崩騰奪視聽耳目被傾邪
詎惟錯昏晝實恐陰陽訛重穿卷輕湍餘花委迴波
空梁燕雀飛蝙蝠伺其窠禽鳥饑為身所見理則耶
黃鵠翅翎濕亦如嬰虞羅悲鳴如有訴翻懼彈射加
偏側南巷士移居近西家書籍正捆載執爨亦紛拏
君如遷喬驚我如盤室蝸破屋雨不止壓覆將如何
感君有同患寓意于詩歌

讀阮亭蜀道集作

巴蜀地形天下無西控關隴東荆巫自從秦人始開鑿
疆與上國通舟車古來奸雄盜名字其間窟穴逋天誅
行子估客試一過徃徃霜雪生頭顱王郎學王尊不肯
為王陽一朝叱馭去萬里單車長兩川人士舒頭立麻
衣夾道如堵牆王郎奮髯吟一聲上掩奎壁無光芒下
視鄉人淵雲輩汗流疾走走且僵江山物產百難狀一
攬取歸奚囊王郎去後人事改戰鼓南來動滇海逆
臣片紙持入蜀百城望風先瓦解居民大半化狐豺井
邑俄然成廢壘譙周子弟作俘囚諸葛祠塋供樵採前
年官軍收廣元螳賊釜底同游魂何人逗遛師不進時

乎一失難再論坐令兒豎復堅壁士無宿飽兼留屯軍
旋草草復不戒庠兒之棄同境垣病中聞此搥胸臆
國家豈遂忘三尺

朝廷寬大固有體姑息或恐非長策井絡天彭蔓草深
幾時再覩使星臨可憐蜀道真天上空向王郎向裏尋
阮亭以人所贈山居圖示予有感題三絕句

千樹編欄一曲渠西間茆屋半床書江南何地不如此
只少閒人肯卜居

昨夢經過舊宅東青藜倒著卧牛宮鄰雞無賴驚眠起
羸馬依然九陌中

相攜拄笏立多時，但解朝衣也未遲。好似漁洋山下路，
使君那忘舊題詩。

漁洋太湖諸山之阮亭嘗過其地愛之自稱漁洋山人

寄弟

驚心如駛惜流年，赴壑修鱗去不還。燕拓終經一番綠，
吳盤又見幾迴眠。厨空尚有東方米，囊澁長無趙壹錢。
媿爾加餐勤致語，杞人終日只憂天。

同阮亭戶部相北說巖西學士登慈仁寺佛閣

衰年作客便慵惰，長安只如井底坐。今朝桀閣相隨登，
一笑醺雞瓮新破。仰睇中央閣道遼，下窺西戒山河大。
三條九陌平似掌，來牛去馬旋若磨。憶昔耶律始都此，

歷金元明彈指過高軒大車還在眼折輻脫輻非一箇
如此家居豈不好纖兒撞壞誰能那中原遺事共誰談
淒涼翁仲草間卧我欲跳身四海游視棄妻子輕涕唾
大人一釣六鼇翻龍伯之宮愁揚簸迴睹蜣螂方轉丸
死抱糞壤歸平奇貨造化未得便休息吾曹那忍辭饑
餓歸來蒙被汗浹背素衣幸免緇塵浣

附錄

王士禎

化人關世恒河沙老松攬地龍衙衙盤空閣道下無
地妙香似有陀羅花吾衰作客不稱意每逢望遠疑
還家三關寥落教行鴈宮闕霏微千點鴉翰林三君

負公望高文大冊流滂葩惜我旅病色枯槁頭網屨
許分宮茶兵車輯輯指荆楚門外蕭蕭多馬蹏從來
決勝在廊廟豈有群盜煩梳爬書生手無五尺箠中
宵倚柱徒咨嗟罪言欲發但指口遙山西脚低殘霞
戲題堦前秋海棠

一捻妖紅欲起遲華清卯酒未消時窮擔那得君王笑
好與先生破皺眉

和阮亭秋日過詔菴讀書齋兼懷江大

苔面無人破常思雙履行惟君數來往相對見平生肯
作身名計何多太息情却輸吳苑客叱憤正秋暄

附錄

王士禎

翰林官自達疲馬獨行吟日午炊烟寂閉門落葉深
平生有知己高卧洞庭陰莫謂升沈絕千秋共此心

咏史二首

王陽忼慨士談經瑯邪東一朝徵赴闕被服何雍容上
書陳至治責難首居躬竟欲興禮樂再還三代風天子
覽書笑迂濶哉是翁道高不偶俗醜正衆所同公卿莫
推輓淹卧伏卯中惟有彈冠者千秋憶貢公

吾思作僕射不如飲酒樂渠豈不愛官難免中心忤世
固哂我愚我亦苦世縛便令希韋脂終然成朽鑿常恐

十州鐵不能鑄一錯以茲凜失蹈若履春水薄望古邈
興嗟素懷廢可託

感秋呈環溪先生

秋風秋雨鎮相牽更被哀蛩喚不眠與世無求寧忍爾
關身何計轉淒然眼悲東海栽桑地心憶南山種豆田
聽說來桴再三喜取裁應媿昔人賢

與先生言及
去官故云

宿通州水月菴故人朱錫鬯客龔使君所悵不得
見寄以是詩

明月如積雪招提悄無人朗然入懷抱鑒我鬚眉真徘徊
簷宇下脉脉誰相親故人朱夫子聞居此城闌入幕

稱上客不教都嘉賓我恨別來濶爵結苦未伸徑欲披
其帷又畏桓公嗔相思但搔首一夕素髮新題詩倘君
見知我款款因皇都淑氣蚤風光漾新春我廬雖有無
榻尚懸梁塵况復酒家姚近移住西隣珍珠滴槽紅入
口味尤醇君車無四角疾來莫逡巡解榻賒隣酒疑義
共評論

題水月菴壁時傷簣山先生之逝

九達三市暗塵開此地如何絕點埃松樹欲枯龍忽蛻
竹花無實鳳空來已知西日頽難駐長恨東流逝不迴
苦憶臨岐珍重語久要寧肯負泉臺

成給事貽詩却贈四百字

窮巷不設羅羣雀晝喧闐忽聽剝啄聲從我西版傳云
是成黃門遣使貽詩篇展誦未盡紙喟然發長歎長安
仕宦路車馬若雲烟夫子秉亮節趨舍異特賢大冠張
如箕唯君不慕官積金高至斗惟君不愛錢奚為抱感
感音促多煩煎誠知體國意憂憤寄所宣方今寓縣急
不啻身倒懸滇閩首糜爛荆蜀繼劉虔巨憝愈桀驁群
寇獨糾纏王師出經歲未見奏凱旋軍行賴宿飽士
馬始騰騫一日費萬金何可令久延計臣持籌坐仰屋
目徒穿近聞賊稍逼氣焰彌秦川山河百二地烽燧相

接連處霞繁螟蠋戶戶化螳螂此輩皆赤子

皇恩沐多年如何甘附賊盜弄我戈鋌中間詎無故所
宜察其端得非長民者撫馭或乖焉朽索糾六馬反更
嚴箠鞭從來制勝策貴在防未然曲突徙其薪功居焦
爛先誰能將此語一奏 重瞳前

朝廷置臺諫耳目責所專庸庸厚福子出口懼尤慙獨
君著讜直受知

聖主偏此誠國大計呼吸安危關伏蒲早論列片言可
回天何用徒悵鬱枉費餐與眠三代士孰雉耿介性不
遷伏節死官下寧計身安全予本竊祿人進退屢遭

尚卿孤嫠恤未索軫饑寒君詩觸我緒一為寫纏綿還期鑒愚慙庶勿負拳拳

梁水部贈洮河石斫歌

梁生貽我古石斫肌理細膩格端正滑于十五好女膚光如一片青銅鏡問知此所產洮河摩挲百遍感激多自從逐臣反秦地關中震震持于戈洮河遠隔秦西岍烽燧連天行旅斷十萬貔貅河上屯只言持重休輕戰至尊宵旰坐楓宸王劍時聞及寢門紛紛盡是承恩者碌碌真羞食肉人白頭老淚迸雙落書生未肯甘高閣觸事彌存報主心撫時益切匡君畧夢魂昨渡洮河隈

接繩手縛逆臣迴持君此研將何用
好尋三軍露布來
敬哉先生招飲容園卽事二首

先生幽興寄東山早沐君恩許賜閒
杖履追陪塵壑外
壺觴狼籍畫圖間
童攜塵尾花邊至
客賭棊枰壘畔
還底是當歡聞歎息應知憂國竟相關

西陲消息苦常難
烽火頻兼夕照寒
四海已如懸磬乏
舉朝猶作覆盂安
感時鬢益新年白
報主心餘舊日丹
自笑書生雙涕淚
無聊只好向公彈

目暗

昧目由來世所同
豈期今日到衰翁
濛濛祇覺霧長在

爛爛俄驚電忽空敢向人前爭白黑不留燈下校魚蟲
連朝強起摩挲看為說堯天日冉中

送徐生

徐生茗川秀文穎世無匹少年愛奇字頗能讀雌霓往
者官辟雍校士實所職衆中覲徐生奚啻獲尺璧今春
辭親闈跨馬返鄉國吾家太湖西距汝不咫尺甚思樵
釣美亦欲投冠幘他時如遇訪扁舟得良覲荒齋何所
有草木猶蕭勃乞生為十詠聊以書吾壁

大風效退之體二十四韻

大塊積噫氣蟠屈空中動萬竅宰怒錦有若決防壅逢

逢鼓不歇長驅勢莫控初驚溟渤翻百川恣橫澤再疑
地維圻條忽變傾洞脫縶馮奔嚙度險師喧闐金鐵慘
相戛電霆轟交縱摹寫艱悉狀震悚抱餘恫豈直發屋
瓦實懼折梁棟爰居遠遶魯六鷗退過宋我情二禽同
縮頸思入甕洪範五行占振衣重維誦竊聞至通世庶
徵符敬用疾風或鳴條前聖嘗內訟狂恒非休祥厥咎
亦頗重矧茲歷時久昏靈晨夕共簸揚箕星愁傾陷義
輪恐目昧動觸物足縮行踏空刮骨刀鉗寒著面矢鏃
中拔木盡僵仆殺螫太寬痛橫虐乃如此銜楚誰與控
上帝本至仁爾敢公盜美心憂夫若何仰首一長慟居

高冀聽卑勿謂天夢夢

玉汝下第見過作

北去南來似踐更看君幾度上書符無波枉擊三千里
不售緣無十五城將母可能忘薄祿榮身未必是浮名
春陰愁思俱難遣濁酒荒齊細細傾

花下

吾庭不半弓雜植竹木繁娟娟丁香花託語西南垣陽
春三二月桃李曜朝曦此花如靜女婉孌獨不言豈無
心中恨待與何人論兩年吾對汝惻惻暗傷魂默坐細
推測恍悟倚伏根寂寞少懽愉榮盛非久存天機自啟

閉人理孰畔援呼童急布席花下開清尊

此日阮亭相見輒誦雲翎詩不置戲作此貽阮亭

并示雲翎

先生二十年稱詩齊魯諸儒皆愛學通來聲教益廣被
漸合東西并南朔海內詞人紛牛毛一一低眉奉繩削
朝朱暮黑不停手點勘都是時賢作金鐘大鏞音並奏
豫章鄧林枝交錯我但崛起未下拜自顧門庭太蕭索
梁谿馬生好年少後來之秀才卓犖與我譚詩頗稱久
風義周旋宛如昨分年工書復報罷可憐有目俱同矐
雖恥

朝廷失此士却喜我得私褚橐匹夫被褐非有臯懷璧
未免心中作常恐大力負而趨果然還被先生攫區區
一士何輕重看汝絕勝得官樂竭來向客盛誇詡獨自
把卷細咀嚼先生門下富才彥生今一旦折其角我詩
藹弱意凡近不中英俊作準格如生璚璋誠異寶大圭
合付玉人琢只愁藉生欲待老失去懷抱數日惡先生
詩體世爭尚人稱濟南王氏脚生也當仁幸毋讓他年
衣鉢洵可託有所聞時定告我勿如顏苦孔之卓

寄家人

靈則為遠志出則為小草子生昧良圖識理苦不早早

躬仰薄祿所得誠已少寸進退反尺鬢髮俄成縞猶然
矜微尚志不在溫飽旁人咸怪叱胡子太顛倒如子求
仕宦魚上竹竿抄我聞亦大笑君譬亦何巧再拜謝良
言啟予功非小年今近知非世事宜擁曉本乏濟時資
被褐中無寶

朝廷急少俊惜哉顏駟老皇天雨露弘安用潤枯槁幸
獲白首歸長饑固自好休嘆筋力衰耕獲尚可了荷鋤
有餘暇遺絰足蒐討作書先報汝令我懷抱舊廬無
恙在門前時一掃

酬玉汝孝簾

采金鑄范蠡買絲鋪趙勝多君款款心懷抱靡不罄我
衰首無能窮老一身併徒持匹夫志謬託達人命苦節
或難貞長貧諒非病衆棄獨君取情親舍貌敬後我賈
餘勇年徂氣彌勁時俗妬蛾眉謠詠今方盛婉孌季女
饑獨宿空閨靜安能重點屣再與倚門競

送孝威相公罷政歸楚四首

先生逢聖主盛事古云難帝室尊蕭傅蒼生仰謝
安君惠寧易報臣力敢言殫神虎門前路如何忍挂
冠

任重群情繫名高衆忌歸祇知據勁節誰憶蹈危機出

岫雲無意投林鳥倦飛好將鍊石手暫一補漁機

啟沃心良苦功應冠禁庭有言皆塞諤獨立想儀刑

丰部惟論平語終身在孝經艱難吾道重容易付沈冥

中夜台星暗傳君去國微登車當落照回首見觚稜楚

水裝同薄燕雲恨共增本來一措大錯認舊檐簷杜祁公言

吾本越州一措大今罷相仍是一措大也

送成我存

成公比魏公忠勳略相似世人譏踈慢帝但謂斌媚

一朝忽移疾抗章堅避位天語曲慰留再請始獲遂

賜歸復增秩光寵執儕輩君明重臣直令我發深喟

一日九遷官未若茲榮最

東風扇淑景草芽青且柔
居行巾車新出門即道周
馬蹄去篤速孤心獨悠悠
停輶一迴望直北堦

皇州舊時出入雲五城十二樓
閣道相彎環森森樹幢旒
如何忽不見但有浮雲流
咫尺猶萬里矧乃路阻修
江湖雖云遠豈能無憂

飲王九青侍講齋次日有詩見示奉答

愛君官閣幽庭下羅蒿蓬
宛然仲蔚居閭戶延清風
我非二仲侶閒暇相過從
君為具壺觴談笑許從容
北牖出西山巖壑窺玲瓏
歸雲挾飛鳥恍惚躡奇蹤
東林復

吐月徘徊入簾櫳流光若積雪蕩我塵腑空念此良會
暫恰與佳景逢已忘今夕軀猶寄九願中君詩振高唱
大聲何泯泯予亦發微吟嚶嚶草根蟲但資風義合寧
計詞格工敢云牛鐸音調共黃鐘同

附錄

青山而初歇新涼上庭砌剪蔬羅盤食潑薄無過貴
况與數君子綴蘭結素契分座列高蓬颺颺南風至
久迹城市間草木鮮嘉歲欣瞻天宇曠遠林吐蒼翠
胸中有丘壑何處非幽寄落日下崦蕪暮鐘起樓際
槐花墮階黃丹螢流衣袂月明東林樹冷冷清露墜

傾觴聞晚香高談義軒世懷彼若昔以終夜難成寐
阮亭遣人告予云考選命下幼華得給事中敬
芝亦授御史喜而賦此并呈阮亭

王生叩門貽片紙使我入戶履齒折呂侯也戴蓮父冠
令弟復入青瑣闥二子經年卧空卿竈突稀烟車騎絕
公卿何人肯延譽升沈由命非巧拙吾

皇垂拱闢四門八荒之遠庭階列拔十得五詎足異知
人其難

帝則哲得士端屬興朝慶豈為朋友私相悅竊聞盛名
不易副饒饒者汙峴峴缺只今寓縣止多事眼中戎馬

太騷屑方州民瘼難細數 廟堂衮職那無闕食粟都
是馬立伏藏身却如蟬翳葉試思白華緣何簪無乃青
蒲亦虛設二子奚以荅

主知勿因直木愁先伐王生頭白老郎署日抱文書袍
袖裂予亦偃蹇承明廬耳聾目眊牙齒豁杞狂憂天計
常過魯女恤緯心還切車輪腹內百千轉欲憑二子吐
辭結朝拜官歸夕上書想見古人舊風節

與友人飲酒五首

茲酒清且美何如顧建康汪汪照尊卣湛然几席光我
素不名飲而頗知平章惡酒如暴客蜚人勢莫當涓滴

乍沾吻芒角突撐腸甜酒如倭人柔媚非善良多食苦
煩悶闕鬲暗受傷拒之恐不速那敢洗醖嘗顧獨愛茲
酒一舉盡累觴不狂復不狷庶幾比中行冲和得至味
令我形神臧古稱君子交唯淡乃久長

京洛多貴人張筵日兼夕名酒產四方不脛走都邑寧
愁道里遠往來輒置驛人肩或顛仆馬背時汎溢每計
一罌到何啻十金直緘題後再拜輦載輸豪室貴人酒
苦多對之宛不識譬若漢廷上用人常薪積棄擲壁落
間累累等塼埴我如楊子雲一鳴求未得茲酒偶然至
相夸動顏色甕面未及啟飲器已屢拭折簡召我友引

杯同岸情清聖濁亦賢從容考其德物遇良有時奚用
多慚一笑彼井泉冽終古歎不食

唐堯罄千鍾尼父盡百觚季路苦嗑十榼不能無兩
聖暨一賢相望千載孤看君比長鯨一吸無江湖入室
或未緩升堂諒有餘我飲不五合敎倒湏人扶醉中癡
高詠猶自述黃虞鄙哉斗筲器斯豈聖人徒

吾愛劉伯倫飲酒得真味五斗差折醒浩歌過朝市君
看如此人底物視富貴一鍾動隨身即是窳劣具形軀
尚作達外嗜那足累不見衛與霍戚里熏天勢起冢象
初連今亦成平地欲澆一杯酒枯骨無生氣

昨日公卿側逐隊前上壽低頭不出氣有若三日婦酒
行盡膝席四坐停觴久仰面吐一言睨胎下堂走今朝
遇故人雨中剪春韭發醅新甕香饌凝免流口促坐共
嗚噓渾似脫械杻不知烏雌雄那問獸牝牡指我頭上
冠譬彼堦前帚董龍今安在此是何雞狗君毋多酌我
恐我酒狂否我狂醒較多醉來復何有

別敬芝侍御

千秋矢志共親摩惜別其如遠道何十日留君猶恨少
一人和我亦為多寒灰自分難然火古井懸知不起波
正是朔風淒緊節要從霜雪辨喬柯

予久慕湖東黃太冲先生恨未之見四明董孝廉
過訪詢知為太冲門人于其南行作以送之并

寄黃先生

會稽有大儒世系出忠門黃童名無双白首胸中園六
經探奧突百氏窮淵源躬蹈正典範不甯託空言青衿
數十徒講誦徹朝暮曾經其指授規矩秩々存我聆聲
譽久仰止情彌敦一官苦束縛負笈失討論董生家東
海獻賦來

帝閭視我頌一篇浩々三峡奔所言雖甚夥仁義實本
根進止更可觀語笑藹春溫都雅周容切貴重魯璵璠

杯同岸情清聖濁亦賢從容考其德物遇良有時奚用
多慙一笑彼井泉冽終古歎不食

唐堯罄千鍾尼父盡百觚季路苦嗑一十楹不能無兩
聖暨一賢相望千載孤看君比長鯨一吸無江湖入室
或未緩升堂諒有餘我飲不五合歌倒湏人扶醉中癡
高詠猶自述黃虞鄙哉斗筲器斯豈聖人徒

吾愛劉伯倫飲酒得真味五斗差折醒浩歌過朝市君
看如此人底物視富貴一鍾動隨身即是窵窳具形軀
尚作達外嗜那足累不見衛與霍戚里熏天勢起冢象
初連今亦成平地欲澆一杯酒枯骨無生氣

昨日公卿側逐隊前上壽低頭不出氣有君三日婦酒
行盡膝席四坐停觴以仰面吐一言睨昭下堂走今朝
遇故人雨中剪春韭發醅新甕香饌凝兔流口促坐共
嗚噓渾似脫械杻不知烏雌雄那問數牝牡指我頭上
冠譬彼堦前帚董龍今安在此是何雞狗君毋多酌我
恐我酒狂否我狂醒較多醉來復何有

別敬芝侍御

千秋夫志共觀摩惜別其如遠道何十日留君猶恨少
一人和我亦為多寒灰自分難然火古井懸知不起波
正是朔風淒緊節要從霜雪辨喬柯

予久慕湖東黃太冲先生恨未之見四明董孝廉
過訪詢知為太冲門人于其南行作此送之并

寄黃先生

會稽有大儒世系出忠門黃童名無双白首晦丘園六
經探奧突百氏窮淵源躬蹈丘與軻不肖託空言青衿
數十徒講誦徹朝暮曾經其指授規矩秩々存我聆聲
譽久仰止情彌敷一官苦束縛負笈失討論董生家東
海獻賦來

帝閭視我頌一篇浩々三峽奔所言雖甚夥仁義實本
根進止更可觀語笑藹春溫都雅周容切貴重魯瑱璠

驚問所師誰答云是黃君聞之增慨慕寸心暗自捫譬
如觀河者源必崐崙便欲裁尺書回風附南雲縣邈
汧天始津溟究無垠陰陽所管攝方冊所羅陳聖狂何
懸濶王霸何剖分一一質茫昧了了破糾紛書成再三
讀羞澁還手焚寸莛撞黃鐘如何不遂巡徒詢容貌異
那得磬款真在昔文中子道學祠河汾韜迹隱弗仕著
述擬丘墳高第房魏流佐唐為名臣吾學苟措施奚必
在其身先生富門徒半作王國賓斯道已有傳奚用嗟
沈淪

興朝急求賢側席心殷々安知柴荆外旦夕無重縑北

面脩盛典憲乞禮數勤予亦得挾冊函丈時相親勿著
羊裘去蒼茫烟水濱

附錄

黃宗羲

三百五十字投來自脩門意欲規感興麗不數文園
誰開場屋眼而滌瀟洛源讀之再三嘆洗濯出佳言
吾聞玉峯麓莊渠剗昏曉此心為主宰屹如砥柱存
辦香展餘千十軍歸玉敦千城意自遠碑銘何足論
一傳為震川月脇開九閭文章以載道不與江河奔
太史金閨秀學不離天根源深流自長仁體春風溫
何意壘洗中有此瑟若璠念予處幽箐何得御李君

風期托想像求日而燭捫吾徒辱贈言朗月照崑崙
茫然數難端口吃類子雲隱公已未來治亂留其根
何條可設施慷慨未敢陳為學五十載菽粟真不分
崇王及賤霸衆說徒紛紜當身試證之不能救巢焚
始信本領濶寰宇方週迴不然朱墨行為儒恐未真
所以介子推抱桂枯於汾澗予幼失學患難屢破墳
幽情發思古面目誠主臣姑置四海大未能康一身
密爾文有娛無以答戲賓牧豕海上老所嗟非隱淪
斯民方憔悴何以返夏殷聖學將墜地何以辨朱繡
其責在公等學優而仕勤危舉天下溺豈徒門人親

勿令吾鄉校竊議東海濱

秋夜念漢書二首

田實紛紜廷辯時，千官屏息望階墀。
酒杯銜隙真嫌細，賈豎爭言大可悲。
疑有短芒常負背，更多長劍欲搢頤。
當年汲鄭稱遺直，只為猶能是魏其。

東海蕭生帝佐才，談經諤々著丰裁。
忽驚敕使宣傳去，遽趣門生和藥來。
深殿涕洟還似雨，中書歡笑竟成雷。
如何一紀為天子，師傳難逃白首災。

往年謫官上林，今秋再過其地，戲題二絕句

昔年謫宦此逡巡，衙衛依稀記尚真。
父老定然能憶我，

來時謝竈請比隣

陵遷谷變只須臾
笑我能成一事無
贏得兒童齊拍手
使君新換白髭鬚

拜少宰孫先生墓

拜公床下幾何時
執手丁寧後死期
忽見荒丘今永閉
忍將宿草更重披
眼昏難認題碑字
腸斷還尋挂劍枝
一代可憐文獻盡
傷心不獨感深知

祠旁鵲

散似灰飛聚作團
荒祠攫食暮烟寒
金丸年少從旁過
盡說神鵲不敢彈

徐生入都耶去詩以送之

憐君衫袖滿埃塵，往日風流剩角巾。
開口幾曾投俗好，苦吟端不救身貧。
還同郭樂思奇士，自失荆高少酒人。
匹馬擔簦又南去，蕭蕭落木滿關津。

次韻答山中

萬卷千竿奉一身，雲饒水濶豈為貧。
無端杯酒尋常醉，有幾籬花次第春。
魚腹好容獨醒客，松毛穩卧不言人。
長沮舊宅君今主，肯向滔滔一問津。

董孝廉蒼水入都詩以訊之

青山破帽老騎驢，尚有狂吟癖未除。
入市搖頭誰識女，

逢人擁鼻只愁予囊中留得一錢不篋底竊將萬卷餘
聖主若求詞賦客雄文今日似相如

淨業寺荷花

玉立亭亭照水孤繁紅縛綠勝渠無清光雅稱閑僧供
靜氣如披高士圖楚服裁驚衫製異吳簫飲愛茗香殊
巡池為共纓堪濯不遣飛塵到髣髴

送劉教授之唐山故相安丘公長子

一經且莫歎蹉跎韋相傳家事若何每念恩施同戴嶽
忽驚歲月似流波自從東閣工墟後時過西州慟哭多
白首門生憐尚在郎君今日又鳴珂

示周生惟念

梳草以為鞠斯水以為棋猶不可無法而況乎學為古
稱在三義所重厥惟師傳道與解惑舍此其焉資分誼
一以定服事終不移如何傾蓋間輕以名相施周生賢
詰商卓犖負奇姿樞衣登我堂再拜起何遲我驚嘿內
慙欲應拙言詞長安十二門丹轂交加馳豈無吹噓者
寒谷生春熙掉頭逝不遑顧此窮且羸得非生所慕其
在于道而吾少不自重千祿思逢時常羞尺寸獲恐致
丘山隳晚節始追悔蹉跎抱深悲強勉賈餘勇此意未
知稟多生不我棄感激動心脾為學所大戒在隨俗習

非立志苟卓然奚患建堅卑神聖為奧窔善信為堂基
切問為津梁勤學為階梯吾聞之前人敬奉等著龜今
何以益生請誦此語胎生如汗血駒蹀躞千里蹄歷塊
洞一瞬萬古義權奇我老困伏櫪兀辟筋骨疲卧聽鼓
聲鳴昂首還長嘶師友雖已邈風義諒可追數學恒得
半期生為予規六籍方洋洋庶幾可樂饑

為汪舍人題畫

高樓烟暝欲微昏黃葉聲中自掩門疑有幽人據梧坐
嗒然終日竟忘言

憶吳中城西宅二十二韻

憶得幽棲處。城西景物增教。綠依冰石。三伏炎蒸。白
板扉雙閉。烏皮几。獨凭閒常。菱竹徑。悶即理魚罾。桐露
清晨。重荷香。靜夜凝披襟。能灑落。散髮任翦鬢。葵扇團
於月。桃笙滑似冰。厨供物。項瓠溪薦。折腰菱。自檢書千
卷。堪消酒百升。紅妝花當妓。白拂客多僧。覓句行時遍
圍棋。喚不應。小兒學跳虎。稚女解區。蠅買鶴。添新料。今
蜂換舊。稻松知。躑躅慣雲。讓卷舒。能何亂。昆為侶。梁鴻
婦。是明可應齊。北郭寧復美。東陵倏忽離。三載艱難出
百層。拊髀羞寂寂。抱膝恨騰騰。火宅誰能拔。烟霄擬忽
昇。竹藏溪鳥笑。顏貌野漁憎。望遠心徒切。懷愁病莫勝。

今朝談往事惟有淚如澗

蒼水移寓戲訊三首

人生非蝸牛安能行戴屋看君席未暖旅舍已屢卜
月黃塵飛炎天正三伏一馬逐二童情思何筆
本勝流行李亦不俗梅當舊琴絃提攜破衣簾飛
甕醬鐵時佐充腹鵠夷威餘瀝尚可萬中流此
物擔荷一夫足只愁吟卷富盈箱復累軸几牛
須覓千斤犢

新舍何所有君言有驢鵠晝愁聒耳聾夜苦侵夢驚
有
如衆楚咻鵠舌無時停如何王武子愛之比琴笙子荆

亦佳士作意省其聲乃知世所尚美醜詎敢爭千秋韓
陵石礪角今已平

便便十圍腹昂昂七尺軀先生偉衣冠朝為來此居久
伸欲打頭容膝累無餘來往路旁子駐馬皆知朝朝多
賢公卿風雷化呵咤曷不蚤薦仕孰若先生知立之在
閭闔高詠陳黃虞渠渠夏屋內豈不承權輿惟我為君
謀嗤彼非良圖世路苦逼側公門詎坦途先生有心胸
先生有眉鬚奚舍我頻笑強隨衆步趨此宦誠已卑俯
仰任卷舒八無妻子謫出無長官拘糟糠苟不憂曲肱
夢蘧蘧君王雖有問莫奏東封書

蒼水過寓招阮亭駿孫同飲前一日得細林山人

書限箇字

侵晨乾鵲聲喧呼兒言今日高軒過我居此廬近西載
門前客來有幾箇董侯落拓偏好我屐齒剗街苔面破
空梁一榻懸已久為君拂拭留君坐急呼東鄰彭與王
共酌濁醪慰輶軻自從都城十日霖車輪摧折馬蹄泥
眼看滄海便橫流誰能手障狂瀾那書生未暇憂人國
關情桂玉愁寒餓今夕何夕把醞望屋角斜挂明星大
爾曹雄辨復哀哀頓令驚聽失慵慵昨朝接得細林書
恠我虛名被網羅譬如北斗不可挹譬如南箕不可簸

廿年游宦百無成團團空似驢逐磨田園蕪盡只不歸
山靈有知寧免唾以茲孤懷忽觸撥鄉心半夜難抑挫
天明朝簪真可脫那惜衝泥整鞍馱勸君對酒且為勸
此廬我豈能長卧却愁公等再來時高歌擊筑何人和

附錄

董俞

玉堂故人折簡招彭王二妙聯轡過冰甌冷侵瓜菓
鮮蘭醞香透黃封破何來青衫一腐儒脫帽銜杯據
上座自憐潦倒走風塵偶憇燕市解鞍馱荆高死後
劍客稀誰能擊筑雜哀共相逢舊好三太息生也形
神頓摧挫丁年意氣盛莫當昔何其強今何悞自從

瓠落無所容萬事生平盡懣懣一官刺促復何有駕
馬猶然戀豆莖聞君此語發狂喜願令身世忘坎珂
逝當長往老此中秋風竊宦誰能那

蒼水以荅阮亭四詩見示意似誇其捷者戲柬二
首

董生瀟灑似青蓮斗酒揮毫滿百篇舉世盡驚又手捷
何不能學捧心妍不愁吟苦鬚禿禿實恐書多腕怕穿
便欲把君詩過日閑來搔首問高天

王郎狎主齊盟久常笑南風不競無海內敦盟皆下拜
惟公鞭弭欲先驅雞鳴親秉鐘鐸鐸馬首群驚墨犬茶

漫謂諸侯已服晉黃池今日軟先吳

同魏侍郎環溪先生寄李學士厚菴二首

李時本諱家居

疾風勁草共稱難真信喬松耐歲寒此日敢云臣節盡
千秋惟覺忠心安人間大有當為事天下從今看眼看
自古盛名非易副期君努力答彈冠

屈指征軺盼望頻音書忽到淚痕新帝方需爾為良
弼天恩教局作鮮民讀罷蓼莪應有恨聽殘風木轉傷
神顯親他日無窮在聊復裁詩慰故交

附錄

魏像樞

閩海由來禮義鄉妖氛忽爾報猖狂奴顏婢膝真無

賴大節孤忠倍有光
問道蠟書臣分在中朝
綸綍聖恩彰平生學道
今方用自愧哀庸老侍
郎

心戀彤廷出戶難
至尊久已鑒忠肝
綢繆鄉土休道策保護
家閭莫苟安
忽抱椿庭千古恨
可憐苦塊一身單
生芻欲寄關河阻
靜夜題詩月色寒

送杜侍讀三絕句

數載承明厭直廬
一朝解組意何如
五經同異姑拋却
且檢山中種樹書

長安拜免幾公卿
過眼浮雲不繫情
忽見巾車出都去
登僊今日羨君行

目望東吳萬里船
趁風飽飯舵樓眠
自憐微祿猶縻却
翰與先生早著鞭

水關馬上口占

荷葉如錢綠漸抽
鳬鷺拍拍散中流
可憐騎馬黃塵客
羞向清波照白頭

偶成

不識平陽宅
今看拂面花
春風是何物
只許在君家

說巖先生書春帖子見貽口占奉東

衡門兩版對居諸
壁上烟煤嬾自除
客過併無題鳳字
使來忽接換鵝書

餉者轉遺先生見寄懷冰雪真相似長

坐春風可得如珍重先生嘉惠意碧紗籠著肯爲疎

和

陳廷敬

我亦漁樵憶孟諸相隨簪華玉階除敢云逸少無臣
法祇覺中郎有異書秘殿敷言長獨對龍箋承

旨更誰如枌花欲頌慚庸劣諫果封題意未疎

原注以

報先生

和說巖先生丁巳除夕疊前韻見示

牢落非才合舍諸空教閑雀開庭除曲肱最愛蘧蘧夢
仰面時驚咄咄書常笑賈生尋李主早羞楊意薦相如
送窮文就還燒却與父盤桓未忍疎

原作

陳廷敬

黃塵白髮送居諸客裏忽忽又歲除節物一尊殘夜
酒年華幾卷舊時書心憐去日多無處夢想浮生畧
自如只是天涯遊子意青山遲暮信音疎

和說巖先生戊午元旦再疊前韻見示

廿年踪跡尚于諸慙愧交遊籍未除秘禁耽陪趨
御案直廬宵對檢官書每憐襪線千條似祇覺宮牆數
仞如獨有銜恩知共切而心許國不曾疎

原作

莫向東風吊望諸黃金恩重讓新除頻年霄漢依經

幄敎紙龍鸞捧

御書師友平生 夫子共文章當代幾人如春來崇
政朝朝會名迹相親應未踈

憶故山四疊前韻東說巖先生

家傍東吳鱗設諸思歸日夜未曾除夢題笠澤波間寺
心憶靈威洞裏書後杲先憂公正任昨非今是我還如
終期一奏 重瞳聽乞取江湖養拙踈

和

陳廷敬

傳柑時節見桃諸物候思鄉未破除自愛松風弘景
夢已多經筭鄴侯書某丘某水今無恙公望公才世

行磨凍吳故人數見招客我高齋時一過蟬聯清話
每向夕羈思消除旅顏破長安麴米擅高價斗酒清
錢三百箇西隣貰得命杯鎗軒膾堆盤細剗劉高歌
不歎食無魚邾莒餐加齊魯大王郎最有箕穎情珠
玉續紛生咳唾董生本是踈狂人白社相尋能唱和
吟懷俊快鷹得霜飲態清妍梨飮坐停杯更話細林
遊逃名有客就高卧葛屐綃巾甚俗緣橫琴散帙留
清課翠微長任白雲封青山肯受黃塵泥只今天地
未休兵湖海風波日掀簸衮衮京華多貴游出入承
明奉朝賀掃除禍亂還太平勉在群公相擔荷我今

舉世憎文筆哦吟輒遭貴游嗤逢掖園知非俊物屠
販居然錫奇貨奚為白首不追悔詩人例應獲窮餓
眼前勸爾盡一尊仰視簷角星丰大王子郎署宜不
達彭郎祿位亦輕軼軻學士蕭散江湖情情吟抱膝愁
無那小臣忝備顧問列大事諸公克負荷生平痼疾
烟霞深南望雲山隔紫邏回茲間話九峯遊九峰主
人同唱和此子落拓謝浮名廿年高擁白雲卧遙思
幽築青山巔梅花千樹竹萬箇窮筇荷衣世外裝餉
魚調鶴閒居課言罷知君少宦情仙骨肯教繁華沈
賤子無端京洛遊自笑筋力干謁情明日拂衣歸去

來一犁春雨耕黃耒

王季植

長安風塵日堀堞扇障不能衣苦浣天官昨占月離
畢十日愁霖足高卧高車大馬諸貴人今雨蕭條誰
肯過玉峰學士數相見打門不辭泥沒髀今朝置酒
招我飲黃雀披綿鯖鮓到百杯以後浮醪奴白絹斜
封朱印破天下健者今董公富貴浮雲輕淨唾彭郎
朱奉一囊粟路鬼椰榆甘凍餓抱膝誰信此管樂高
論依然溯鄉軻世情莫問牢石邪女子猶知伯休那
酒酣岸幘忽大笑吾曹蠶絲自纏累青山一髮江南

路雨笠烟蓑有幾箇細林主人老耽隱枕上九峯青
錯磨漁樵近局不爭席復有名僧伴高座空山水流
花更開不識都門送臨賀我生未覩細林面聞君快
語殊已瘳此瘳見海經當年我作萬里游劍閣西風聽鈴
獸凌霄九峯梅輕別筋驚肉緩回體惜他年但乞五
湖長繞話蓴鱸口先吟未湏木石笑吳兒小海歌時
我當和

彭孫通

經年未乞一囊粟侏儒飽死東方餓朝來庭菜忽坐
飛感此芒芒意推挫出門回顧安所之短驢躑躅蟻

得如欲解朝簪先讓我青春雙鬢又蕭疎

立春日五疊前韻東說巖先生

九十春光信有諸六分取次一分除

唐人云六分春色向人流今歲以正

月十二日立春則客未厭聽新生事老去愁逢未讀書六分已去一分矣

撾鼓燒燈誠欠此焚香掃地亦悠如西園桃李休相笑

松栢青蔥那便疎

和

陳廷敬

險韻從茲盡去諸懸河注水想難除偶然節物供題

句終古齊名有讀書

原注先生齊頭曰讀書

紅蓼綠蒿生尚細

宮花幡勝剪能如已過臘酒黃柑會與教交游晤合

疎

贈高澹人

手寫新詞進 九天眉王一笑衆爭傳
蓋他江令無才思枉費宮中十萬牋

葉文敏公集

詩

五月三十進講紀恩

讀總督范公遺詩

南書房梅花盛開呈夢敦學士澹人舍人

正月畫牡丹開已爛熳戲示夢敦

賦長句有序

恭遇

太皇太后萬壽節敬賦五言十韻

閏三月二十八日 賜御書賦七言二章

西域貢獅子行

詔觀西洋進貢獅子

賜觀 御製詩集恭紀十六韻

九日直南書房同說岩夢敦限韻二首

錢宮聲以咏寓中葵花見示讀之深有感焉賦此
以廣其意

金文學穀似用蘇黃往來韵作詩見寄賦此答之
穀似復疊前韻見示適江南信至秋秣初熟醪酒
可望

大雪口號三絕句

贈陸嘉定稼書

穀似再疊前韻見示又次二首

王先生寓予邸舍苦無酒飲

送宋員外至贛州

口占

題吳侍御山莊

村舍

上馮相國二十四韻

元日早朝

蒙拜翰林學士歲

恩述懷四首

賜魚恭紀

四月十五日恭紀五言二首

賜文雉恭紀絕句四首

溫泉恭紀六首

題故人畫鶴

送慕廬兄歸楚

秋夜宿陳吉士穎侯止軒作

嚴朱二徐四檢討夜集

寒夜

題翰林院壁用東坡清虛堂韻

彰義門外書所見

郊外偶作

道旁老松樹

寓舍花

題盆梅

和就斯學士新歲韻

夢至一閣有人凭闌引手招予旁一人曰汝諸勿
菴也覺賦此詩

吹竽

十四夜

偶成

書所見

送友人

二月二十八日題善果寺壁

寓舍對花歌

集黑龍潭仍用前韻

紀思詩三首

八月四日奏事瀛臺門
賜食茶紀

送趙浮山

送范秋濤

送張拘齋

九日過長椿寺

與鄉人南來者

秋日同友人過善果寺作

吳孝簾歸自塞外

某文敏公集

詩

五月三十日進講畢

皇上天語慰勉賜講臣

御筆各二幅元臣趙孟頫書不自棄文石刻一冊方鵠

侍講未久叨預茲賜感恩慚報悚仄難名恭賦四

章魚呈院長陳說巖講學張敦復兩先生

兩月橫經侍禁林踈慵真忝

主知深已驚

天語頻繁至更被

奎章寵渥臨盛事敢誇千載遇殊恩難答

九重心蕭蕭華髮慚衰劣喜色朝來忽上簪

玉軸琅函賁尚方開時

御墨正浮香頻教拜起

天顏近祇覺瞻依日角長賜出班聯皆動色捧來道路
盡生光定知今夜蓬窓下佳氣時時燭斗旁

聖代欣逢少棄材孤生那忍負栽培鹽梅最喜爲時用

喻二先生葵藿還憐傍日開肯笑孫弘虛再出不教王式悔

重來壯行幼學生平志側目從知免俗猜

上賜不自棄帖深寓戒勉之意故云

太皇太后萬壽

皇上親書賀表恭進

慈寧碧綈金液既極鉛華鐵畫銀鈎永昭法則臣方藹
入直內廷得蒙

召侍左右既窺握管兼沐

溫綸儒臣榮遇於斯已極敬賦長句一篇以志遭逢之
盛

聖孝垂千禩文思範八荒何當承

御幄後得奉

奎章仁壽宮廷洽鈞陶禮樂昌

天言逾黼黻妙墨粲琳琅十體銀鈎勁三臺寶翰良青
開蜀錦麗翠展越綃長鳳翥神俱王龍驚勢欲翔豐飭
卑篆隸仙骨陋鐘王運指闕飛動齊心自肅莊神明森
粲變變化出尋常絢爛丹霞景參差碧月光泥金飄錯
彩拂素熨沈香穉穉堦上依依舜陞旁覆盂憑斗極
窺管慕容字蒼有喜知偏早難名頌莫颺
皇仁尊養至珥筆媿鵷行

恭遇

太皇太后萬壽節敬賦五言十韵

紫極璇閨迥神霄黼座尊雲開臯月麗

爾雅二月為臯月

春布

禁苑追陪二十春
向來名迹最情親
承恩屢許同前席
拜賜猶能接後塵
玉陛從容魚貫入
文茵分列雁行陳
常思鄭重

君王意共誓丹誠
拱北辰

讀總督范公遺詩

遺詩讀罷涕縱橫
字字真從血染成
但見叔孫祈速死

公自言不食十日求死不得誰尋先軫面如生
公死後忌者毀其屍人思巧滅

忠臣口天欲終全烈士名
置目東門看跡入
知公幽憤也應平

南書房梅花盛開呈夢敦學士澹人舍人

姑射仙人玉作肌，自矜曾笑百花遲。豈知托質非凡境，更喜當暄最勝時。戴向瑤釵偏覺好，栖來翠羽恰相宜。誰憐籬下寒香在，也望春風到北枝。

正月盡牡丹開已爛熳戲示夢敦

傾城一笑奈君何，絕有鉛華合避他。色艷祇緣承日近，先開原爲得春多。初醒乍濕陽臺雨，微步如凌洛水波。若使旁教擅翠袖，定應添却玉顏酡。

花皆因火催出
夢無綠葉耳

恭惟

皇上德侔堯舜，道媲羲文，敬止緝熙，就將泮渙，至於游藝所至，無不神奇，天縱超超，古今茲當。

景風溫分福惟

王母承懽得

聖孫祥迎萬歲殿慶溢九重門表奏奎章煥

上親製萬壽表文手

書以

庭充寶幣繁宮縣陳在陞籥舞綴當軒彩戲龍俱

躍觴行鳳欲騫

西京雜記漢廷上壽有王稱刻作鳳皇形

弘慈深雨露純孝

錫乾坤一代崇閔禮千秋願復見小臣歌既醉拜手仰

重閭

閏三月二十八日

皇上親灑宸翰頒賜從臣人各兩幅臣方藹獲與焉

主恩臣遇千載一時恭賦七言二章

龍牋兩幅日星凝

帝語傳頒肅拜興直向倉軒披奧突俯看羲獻絕雲仍
一波欲挽千鈞弩三折真垂萬歲藤知是化工名莫得
揆天測海愧無能

墨池春暖漲恩波曉日光先上駭娖自幸身頻沾雨露

忽驚影欲傍星河寵同題署知還信

宋太宗皇帝為翰林水書蘇易簡題

王堂之署四字以臣方榮叱登床較更多

唐臣劉洎登

床求賜書法以臣方永與儒臣增盛事千秋青簡待編

之所沐

聖恩尤厚

摩

西域貢師子行

皇帝御寓十七載化東漸海西流沙歟關重譯走萬里
梯高航險輕舟車都人謹謄貢獻至隘道輟擊肩爭摩
臣時囊筆侍丹禁但聽傳說相咨嗟喙多音雜語非一
盡驚異物聲呀呀雄筋附骨太硯礪拳毛垂體何鬚髻
爪利千鈎積沈鐵皆翻百炬凌潁霞哮呼恍疑撼山嶽
蹴踏直恐堙江河謫恠不數夏鼎勒瓌詭足使山經誇
小臣聞此內愧省吾

君聲教誠無涯

聖朝詎貴難得物遠人輸蓋良可嘉西旅之焚越棠雉
盛世豈必遮荒遐

皇心母乃欲柔遠區區一獸寧足多

勅付虞官掌芻秣隸之熊館與庠衛臣退更伏考圖記
此物實稟金行奢在上呈精應太白譬之于器爲莫邪
山林所至百獸伏亦如王國有爪牙剛勁端可作士氣
古人所以較起蛙况乃

聖主正垂拱能變獷戾皆中和太開明堂輯羣瑞侯尉
何異共一家雕題鑿齒盡來會進琛貢賁紛如麻此物
亦同百獸舞騶虞麟趾奚爭差小臣再拜復獻賦敢笑
虞監無才華

八月六日於神武門

賜觀西洋進貢獅子

神物何時降海涯，遠隨貢使出流沙。
思瞻化日依靈囿，欲繭浮雲駕敎車。
百獸舞中看獨異，萬年圖上見曾賒。
宋人萬年瑞應圖後世多撫之，所畫象
異獸形極多，未若今所見之威神也。
恩竊紀來庭盛樂府，慚無好句誇。

八月十八日蒙

恩賜觀

御製詩集恭紀序六韻

唐德文思首虞徽濬哲名，負圖龍出字吹律。
鳳諧聲吾后尤天縱，皇王絕莫京禮園時嘯咏。
書圃復崢嶸散蔭。

星雲並鏤章綺繡成六經同黼黻五典比筵室民物紆
宸慮山川入

睿情片言蘇萬象一氣宥群生

持勅教披覽

溫綸更疊并捧來霞的燦拜起日光明彩識金符絢音
聆玉琯清愚瞽開爽躁競忽和平戴丰神常竦瞻霄
體欲輕幾人沾異數畢世沐殊榮管盈知穹大蠢惟見
海盈端如聞廣樂七日寤還驚

九日直 南書房同說巖夢敦澹人諸公限韻二

首

禁裏秋光似水澄校書終日對良明恩深共擁三重席

戴憑與諸儒論經勝者奪不勝者席憑頃刻寒近先恩

奪席數十重帝後遇過在坐為設席三重

半臂綾宋子京修史天寒著紫綾半臂暮齒自羞識路馬子為最良而無知故以自

光俊才真羨得霜鷹蘇味道與王無競同直蘇才俊相人自為九月得霜鷹以況諸公相

看詩興誰偏健儘讓蜚狐及早登諸公詩皆就

大官法饌笑時叨唐宋九日賜侍臣法酒繡糕獨向佳

辰感二毛幸免風前欺落帽祇愁筵上怯題糕用劉夢得事

心驚白雁秋空迥不比黃花晚節高下直渾疑身尺五

中宵鈴索夢還勞

宮聲以詠寓中葵花詩見示讀之深有感焉賦此

以廣其意

秋清孤館對蕭辰
堦下殘葵吐艷新
縱有妍姿誰肯問
祇緣幽意倍相親
叢疎尚耐風霜在
根淺還思雨露頻
君若傾心能向日
移栽上苑豈無因

附錄

錢中諧

一點葵心竟未枯
蕭辰還見漾紅桴
雅知杞菊芳非晚
轉覺松篁韻不孤
弱植那堪凌勁草
衰叢偏得媚寒蕪
朱門詎少移根地
可似荒庭衛足無

金文學殺似用蘇黃往來韻作二詩見寄賦此答之

吳綾半幅剪秋水中有奕奕銀鉤書顛倒細數百十二
顆顆俱是驪領珠君才雄妙曠世無譬諸萬斛龍驤如
動天之風古來有蹄涔媿我非江湖

鴻都門下盛奇字三體尚有中郎書滿堂諸生競鵝雁
薏苡豈能誇明珠曲學阿世昔所歎孫弘側目固自如
人生窮達由命耳肯為三公輕五湖

附錄

金居敬

碧山學士愛閑居下直閉關多著書靈臺清明書卷氣
絕勝五色牟尼珠長安索米寔臣朔公郎屢空常晏如
人間風塵不到處玉堂清生如江湖

草玄學易十年餘今來重校孔壁書百家傳注都貫穿
何用燕公記事珠承天將雛何善謔一官不調公泊如
但要舉而錯之耳勿為蓴鱸思五湖

穀似復疊前韵見示適江南信至秋秫初熟釀酒
可望

寂寂莫撻王融車咄咄莫作穀浩書江南近報釀新熟
小槽殷紅滴真珠君方彈冠去未可我將拂衣行得如
醉拍銅斗歌鳴鳴竹弓射鳴巴城湖

吾友韓侯性耽古縹筆手續素王書愛士不啻如賈胡
直欲剖腹藏其珠

穀似寓元少第昨往奉訪
門禁甚嚴竟不得見故云

詔書昨者

廷名儒為子踴躍端何如願子早陳六符事憂君今日
惟江湖

附錄

金居敬

矩章久矣捐篋笥長歌率爾詩代書枉沐長者論投報
咳唾隨風天雨珠廢事愛閒日益愚子雲君鄉遠弗如
岑牟單絞未俊物白鷗浩蕩沒春湖

神仙字豈飽蠹魚徒向人間鑽故書昏昏俗心阮太尉
曉淚不化鮫人珠待公致君堯舜上端憶曠如與奧如
徹侯相印直駁屣為佐刺船浮五湖

大雪口號三絕句

官舍蕭寒剥啄無羽風撼戶似驚呼日高厨冷炊烟斷
天為糲成卧雪圖

破絮蒙頭凍不支中宵憂國睡來遲比隣鵝鴨聲喧鬧
夢裏三更入蔡時

三寸毛錐百戰餘長槍大劍比何如平漬露布新裁就
盾鼻橫磨手自書

贈陸嘉定稼書

華鵠繡轂九衢間入室清風獨往還舉世誰思千古在
惟君不放六經閒鵝魚偶覩堪乘興塵土雖違不上顏
聞道近來多一事出城只爲看西山

穀似再疊前韵見示又次二首

毛生年來老而禿中書君今不中書世人未知失上意
猶將魚目呼為珠四時之運成功退應侯蔡澤何紛如
豈待賀監七十餘始向君王乞鑑湖

君豈南山縛席師何妨暫學人間書暗投往往遭按劍
夜光之璧明月珠卑之無甚高論耳折揚皇蓂里耳如
昂昂勿作駒駝坂泛泛且為鳬浮湖

來詩有讀之未喻其妙者故云

附錄

金居敬

淪云奏牘上公車曾無兩令僅勝書何當自贊祇自責
川媚不掩水懷珠公家種秫釀桑落自可封致胡醒如

巴城會待宸翰賜比似鶴山與石湖

軒轅彌明滑稽耳詩聲愧非侯校書

元老亦有和詩以

此聯句謂

石昂彭烹荷斟酌逃祥累累百八珠幻佳風

埃五葭琯收黍功名帶礪如吾家甫里有敝廬散人無

鄴陽江湖

王先生寓予邸舍苦無酒飲

荆高市上化爲塵誰與先生作主賓但有三升堪壯膽

常務

若無一斗甯呈身

王續

襟懷寧著累累綬意氣平

摧嶽嶽人挂壁鵠夷空在眼因君轉恨我長貧

書愚山少叅送黃君詩後二絕句

牽衣泣別最堪悲不信真成永訣期
歸望國門那便哭猶疑白髮倚闌時

故國三千驛路塵哀猿落日叫還頻
不知流血能多少腸斷東西南北人

送宋員外之贛州

急霰中宵零征客侵晨發如何行役期
恰值苦寒月王事有嚴程詎敢惜離別
馬毛縮短帽去踏堅冰裂稍喜前路穩
從容理舟楫鼓舵乘江流春潮正層疊
虔州古名郡維南控百越章貢二水滙
環抱形如玦商旅喜居至權譟迎使節
此方我夙歷風土足怡悅近聞兵火靖

三戶頗寧帖鬱孤有高臺披襟甚軒豁灌侯舊築城遺
趾亦殘瓦直北眺中原青天露一髮却愁軫故交遠思
難抑過手折庾嶺花目斷燕山雪

口占

天畔秋雲日日孤休將腐鼠嚇鷓鴣不知酒醒燈殘候
一點心還畧動無

長安自古奕棋同袖手何妨讓國工堪笑孫劉成底事
無過使我不三公

題胡侍御山莊

綠暗過牆樹紅明委地花誰知杜史宅却勝住山家曲

徑淹

天仗居人稔翠華更聞

宸翰在麗藻發雲霞

上帝幸其莊
賜以御筆

村舍

板屋春風對一瓢
荻簾土鏗共蕭蕭
無妨世上嫌迂闊
最喜塵中有寂寥
鄰寺遠傳茶鼓發
隔村微見酒旗搖
分明憶似江南景
辜負幽人歲歲招

上馮相國二十四韻

列郡青齊大東連
萬里津地鐘星斗
異帝賚股肱新儀
鳳鳴岐嶺非熊獵
渭濱來時逢聖代
翊運賴斯人蚤應

金甌卜旋聞玉鉉陳紫宸扶日月黃閣掌絲綸燮理三公貴都俞一德親恩波天浩蕩風采嶽嶙峋袖拂祥烟細箋題御墨頻小心常翼翼大議必諄諄鞏固思磐石網繆在徙薪長庚光獨旦霖雨澤皆春吐握招多士休容識个臣宅師襄黼黻贊化補鴻鈞行使橫戈偃將令比屋淳清名傳師藥正色厲垂紳燕許文章並夔龍事業均志長緣報國髮短為憂民聽律知佳節懸弧及令辰尚方領翠釜別墅會朱輪偃蓋松逾茂修翎鶴更馴吹噓慚寸弁游泳託纖鱗縻祿曾無補握衣幸有因惟應頌平格翹首仰高旻

元日早朝

明光待漏曉寒催
劍珮鏘鏘集鳳臺
日麗禁城雙闕迥
雲迎仙仗九重開
競歡上德三元會
更仰乾文七曜迴
遙望穆清還踴躍
無邊佳氣統蓬萊

蒙拜翰林學士之

命感

恩述懷四首

秘殿朝趨候曉鐘
七年

經幄許從容
畫三接處

恩偏厚官九遷
時愧更重

康熙十二年五月以翰林院
編修充講官十四年三月升

國子監司業五月升翰林院侍講仍充講官十五年正月升左春坊左庶子兼侍讀五月升翰林院侍講學士又充經筵講官十二月遷有此命

御筆屢教瞻翥鳳

袞衣頻得傍升龍平生稽古思堯舜何幸

彤墀咫尺逢

額愚詎敢忘抒忠捧土何能益岱嵩

聖德已周三極溥

王言長並六經崇宵看奎聚占乾象晨檢書籤識帝鴻
縻祿祗差無寸補空餘履跡玷

璇宇

麻衣席帽滿塵埃親荷

先皇募沐來敢道齊賢留異日屢稱蘓軾是奇才戊戌

貢士八都先皇帝召見親試列名第八己亥春再試

列第一八月舉南宮九月臚傳日親諭朕知汝久特

拔汝為一甲進士又身離斗口驚還在夢挽龍髯恨

不迴今遇吾

居重拂拭孤桐果否爰餘材

柯亭劉井昔賢情明代學士柯潛于院中構一亭學士

劉定之于亭書浚一井二人皆有賢

名其遺跡至今仰之異代風流憶老成齷齪可能追往彥悠悠多

恐負浮名質文高欲陳三代禮樂終應俟兩生聞道濟川才不乏高岡翮羽聽長鳴時奉古徵聘海內博聞之士雲集闕下故云

賜魚蒸紀

太液波涵曉日明
錦鱗出水浪紋輕
曾經在沼娛
宸覽忽許充庖荷

聖情所處銀刀光
錯落盛米玉盤雪
縱橫頭捫饒腹沾
恩重卻愧非賢負鼎烹

四月十五日

皇上躬禱南郊甘雨立霽恭紀五言二首

鳳輦凌晨出甘霖滿
帝畿遠隨黃鉞至
細遶翠華飛
蒼壁祠官捧青詞
祝史祈最高沾灑
霽遮莫濕天衣
早慰三農望須知
六事虔神光流玉
峙天澤蔭瓊田雲

密依 堯幄風薰八 舜絃却看承 輦州餘潤亦含
妍

賜文雉恭紀

雲罕高張

帝道隆頌禽義取羽毛豐昔年陳寶徒虛語今日

君王自獲雄

五色離披墜馬前俄欣登俎味芳鮮分甘共賀文明瑞
不數安仁射雉篇

越裳渺渺縱堪馴不蓄珍禽自

聖神要使在廷思耿介特傳

天語賜詞臣

驚看暈彩出仙扈為搯鹽梅濟泰交七節幸沾真雨露
何須還筮鼎三爻

溫泉恭紀

何來瑤竇濺珠新皎潔琉璃瑩絕塵靈液漚成千頃碧
天波散作萬家春

千里渾河水欲冰寒流此日更清澄應緣地脉偏深厚
王氣如龍拱孝陵

融融洩洩是瓊漿

聖母同稱萬壽觴解通天心多福應須知水德本靈長

渺渺神泉脉脉流仙都直欲置身遊此中
聖澤深無際汪濊端能潤九州

疑成甘露拂薰風噴薄還應萬古同
縹緲原通霄漢上
網緼人在太和中

陽春早已遍郊坰溫潤還堪驗水經
聖主不須黃竹詠微臣殊愧醴泉銘

題故人畫鶴

鶴兮鶴兮女不知鷗之蒼鳥之黑日溷塵埃人不識又
不能驚同食雞同棲昂藏特立安所依是中風景何其
殊別老松百圍峭壁千折羨女獨來還獨往惟見烟明

與水濶朝隨羽客去依約到十洲暮逐孤雲還相伴宿
丹丘衛國之斬女不慕吳王之市女不游山人昔年在
山下一飲一啄與鶴同山人出山今幾載夢裏時時霍
吸在見君晝還沉吟蕙帳空兮怨復怨蘿壑闕兮深復
深長鳴欲吸三危露側望常舍萬里心此身已苦羈網
久明日拂衣亦何有君應騎鶴三山頭待我東歸一携
手摩娑銅狄西咨嗟城郭人民如昨否

送慕廬兄歸楚

吳歆魚楚調離怨雜然陳落日蜚鳴急秋風雁影新難
將欲去意更對獨歸人一滴思鄉淚隨君驛路塵

秋夜宿陳吉士頴侯止軒作

老墮世網厭逼側始覺軒冕非真榮觸藩遂退而失據
人生所誤緣浮名紛華道義皆可慕魚與熊掌難合併
二者交戰不自決未便趨駕還紫荊子今乍通金閨籍
一官項領才云成胡然淡漠安此室箴規外物浮雲輕
窓間布席大似掌屋角仰視明星熒空梁惟聞蝙蝠沸
破竈時覩伊威盈雖誦殷鑒出金石輓轡那惜飢腸鳴
上泝羲文下周孔若立參前與倚衡迂濶毋乃真遇我
令人對爾顏發頰牀頭咫尺枕馳道蠅紛螳逐殼虎
嚴霜誰不畏凜冽馬蹄東西各有營何如布衾足餘暖

栩栩四體無將迎朔風撼壁轟雷動美子忘机夢不驚

嚴朱二徐四檢討夜集

黃葉門前徑秋深斷客蹤却憐今夕會共聽帝城鐘未
穩栖枝鵲難平咽砌蛩論心諸妙在寧惜歲寒逢

寒夜

數卷陳編獨夜燈紙窓撲凍爰癡蛇興衰過眼悲何益
非是閑心剖未能仰面祇愁看屋棟安身無過模床稜
強將濁酒攄懷抱芒刺時時著背膺

題翰林院壁用東坡清虛堂韻

翰林門外風吹沙翰林先生早放衛恠君面目太塵土

經年不識長安花朝咽
薺藍暮吟誦蟲魚瑣細羅
百家官舍如水何所有
高槐疎柳啼鶉猶言讀書
洞千古富貴過眼同春葩
孔孟以來路榛塞立志猛
欲為梳爬龍鐘挾冊趨

秘殿頭綱日費

君王茶天街獨歸跨款段
有時馬策翻倒撾人見先生
爭匿笑先生對人徒咨嗟
晝長捫腹無一事笏且看
西山霞

彰義門外書所見

此走江南道問君歸幾時
山遮將去路柳卧欲攀枝
酒

合攢眉得書思挂角宜馬蹄行忽住最恨是臨岐

郊外偶作

郊外東風颺酒旗北來南去劇如絲百年渾似下坡轂
萬事只同覆局棋漫喜春深催草茁終嫌寒緊勒花遲
從來不信楊朱淚那有無窮灑路岐

道旁老松樹

古松不解何時植但怪龍鱗老益多巢頂鶴翎黃似鞠
傳枝螳翼白于珂摩娑忽作三年別翫賞寧辭百遍過
韋偃畢宏今未遇無人貌爾恨如何

寓舍花

傳粉施朱恰正勻天然幽意自宜人
風風雨雨休欺壓
謙與嬌鶯坐一春

題金梅

瓊枝常似帶微醺天上春光占獨多
紅杏碧桃誇異種
和羹爭許得如佗

和就斯學士新歲韵

相看又見歲華新五十無聞笑此身
冷碧細傾初釀酒
軟紅重試隔年塵
處多猶喜能供爨
蒼白堪悲只受辛
憶得西溪數椽在一竿春雨待歸人

夢至一高閣下仰眺可數十仞有人凭欄引手招

予旁一人曰此七十二峯閣凭欄者請勿卷也覺賦此詩

岐路悠、誤此生出山泉濁在山清三千餘里客中夢
七十二峰閣上晴長魏當年結綬意敢忘他日耦耕情
憐君扁戶空巖老猶被誰何識姓名

吹竽

吹竽鼓瑟兩難工遮莫春光望眼中相對盈盈還脉脉
可堪雨雨復風風間何濶怕逢諸葛得入城羞蒙子公
豈有浮名滯胸底恠君兀坐但書空

十四夜

撾鼓燒燈罷此歡
繩牀布被夢差安
醖中濁酒醉亦足
瑤角短檠照自寬
少日曾誇人
了了老來真負面
團圓
相隣尚有今宵月
萬里秋光屬倚欄

偶成

每恨前賢不見我
却愁開卷媿先增
無端檢得漁寧吏
似有人曾諫澗燈

書所見

真有高名動
至尊臨軒色笑備
春溫反風渡虎偶然
爾今日親聞長者言

送友人

廿年游宦滯天涯自笑龍鐘玷
聖時一領青衫渾似
舊爭教君鬢不成絲

鉅鹿春光草色新馬蹄猶帶
帝京塵莫愁此去無知
已前路應逢解榻人

二月廿八日題善果寺壁

平生孤往懷未忍薄涼踞愛茲片林幽凡禽足藏羽誰
與競吐萼枝上輕霞舉濯濯露葉翻猶栖昨宵雨化工
無停機吾心憺容與塔坐靜忘言風鈴自相語

文貞世儒宗昭代數能匹典刑宛長在俛仰對遺墨
詩
有文貞公前賢愛士心未肯棄檮標瞻官有道碑獨媿
戊午歲詩

中郎筆文

貞公臨沒
命予誌其墓

永念知己情欲報恍若失斯人不

可作淚落山陽笛

寓舍對花歌

天公于人何厚薄春光亦到蓬戶中東風次第巧粧通
一株高下配顏紅桃嬌杏婉奚足比細看人面將無同
若令嫣然更一笑陽城下蔡難為工老夫湯說心鐵石
對此不覺神怡融長安朱門相接連千金買花置房櫳
愛花還設紫絲帳宴客時出琉璃鐘可憐託根歎非所
年年長伴白頭翁惟愁雨淋與日炙空妬狂蝶兼遊蜂
不辭窈窕守寂寞母乃真為悅已容人生相知一亦只

傾城絕代寧易逢
瑤姬神女畫不得
豈予長短分纖濃
老大自知才久盡
閨情欲賦謔陶公

集黑龍潭仍用前韵

老龍幾載此窟宅
泥蟠天飛咫尺中
昨霄試手小霖霖
曉來千樹蒸霞紅
臺高地迥足舒嘯
招携况有名賢同
陽春烟景秘不得
恍悟大塊文章工
微颺被體覺栩栩
時序歟已近祝融
開牖突見一峯出
西來爽氣侵簾櫳
竦身便欲傳鳥背
骨裏筋弱悲龍鍾
豈堪跋馬逐朝客
但思踞雞隨村翁
下瞰九陌平似砥
千門萬戶同巢蜂
此中何處可著我
空有雙膝誰能容
那知造物意偏厚

清境仍許閒人逢風光若此不愛惜可憐辜負春花穠
僕射何如飲酒樂一杯且暫輕三公

紀恩詩

呦呦鵲鹿繞張筵列坐真依尺五天恩渥已教無美爵
禮隆特許更加邊待方宴鎬追姬日欲比歌汾陋漢年
彈指洗兵洱海淨還期脯賜徧窮埏

右賜宴

雲錦天章巧樣新匪頒在筭澤還均迎風忽送靈虬動
耀日應添海貝珍仰睇垂裳欽上理俯慙挾纊感深仁
聖朝衮職奚須補報稱無能悵此身

右 賜錦緞

翠蓋紅衣太液旁詎期採掇得親嘗沾

恩却比金莖潤辨品先知玉井芳冰滑晶瑩失皎節苦心曲折緩深房微臣最是憐秋實羞共春華艷艷陽

右 賜蓮藕

八月四日奏事瀛臺門

上出御膳賜食恭紀

拓黃帕簇八珍盤宮監傳呼晝刻闌常念

君王多好食翻憐侍從減朝餐三溫綸乍度薰風浹潯澤頻沾湛露漙却覩身非珠樹鳥年年花下啄琅玕

腐儒羸羸飽常踈餘飯
天厨氣象舒香稻玉禾膏薦
日北膏麟暗辨名初和羹待傳思巖築負鼎師莘憶野
鋤廿載登朝無寸補報恩還檢索中書

送趙浮山

世路誇年少前賢重老成為郎寧恨晚畫錦亦堪榮
晴樹催鄉思秋風助別情君歸逢海市始悟畫浮名

送范秋濤

宦海飄零未有涯十年短鬢畫成絲
可堪宋玉悲秋日正值江淹賦別時
何客能辭猿鶴請此行真遂菊松期
羨君奚啻登仙去西向長安笑是誰

送張杓齋

惜別意無限，相知情若何。
浮雲京國遠，秋色太行多。
吏識梨繻出，鄉看榮駟過。
為郎未強仕，君豈歎蹉跎。

九日過長椿寺

尚有祇林在，容偷半日閒。
何須高處望，已覺遠塵寰。
倦鳥盡知夕，羈人獨忘還。
不辭風落帽，羞見鬢斑斑。

與鄉人南來者

南客頻看北地來，燕鴻越鳥兩忘猜。
風前共把黃花嗅，離下今朝鬪未開。

秋日同友人過善果寺作

予生豈磨磨忍舍斯人徒如何性多畸偏愛逃空虛茲
境頗閒曠興慙即吾廬幽花照岑寂秀木羅扶疎跣脚
北窓下高咏揖黃虞心神既已豁眺聽亦轉舒便欲息
黥劓聊用全微軀物役難自由良對只須吏開門塵十
丈浩々撲衣裙不見眠坡犢飲齧恣所如明朝衢街間
還服短轆車

吳孝廉歸自塞外

覆盆何路叫重閤此日生還亦主恩翻訝形容未全
變剝隣意氣尚猶存窮邊冰雪親嘗歷往事金元費討
論回想幼安鑒室處坐穿木榻幾番痕